



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,  
ordinis Prædicatorum, ac hæreticæ prauitatis Inquisitoris**

**Fumo, Bartolomeo**

**Antverpiae, 1570**

Spectacvlvm.

**urn:nbn:de:hbz:466:1-30427**

sum explicitè, vel implicitè, ut accidit inquirantibus furta, vel alia occulta, quæ tantum à natura intellectuali sciri possunt, aut fieri. Nam ex eo quod à Deo non queruntur, nec à natura, nec à fortuna, coguntur velint, nolint, scire. Ca. ibi in summ. fateri, quod ad dæmonem recurrunt. Implicitè quidem, dum ad sortes ad hunc finem institutas recurrunt, explicitè autem cum incantationibus, vel alijs diuinationibus hæc faciunt: & ita sentit Caiet. ibi in summ. circa fin. Et quamuis doct. multa dicant, materiam tamen hanc quod ad propositum paucis perstrinximus. De usu ramen sortium vide latius Tho. secunda secundæ. q. 9. a. 8. quando liceat.

<sup>2</sup> SORTILEG. multis pœnis alijs ultra peccatū secundum leges plectuntur: ut patet c. de male. & mar. l. nemo. & l. culpa. & secundum canones imponitur pœnitentia 40. dierum, quando sortilegium est occultum. c. 1. de for. si notorium. sunt infames. c. quisquis. 2. q. 8. & c. testimonium. de test. cum his, qui ad eos recurrunt, & si clericus est, deponi debet. c. non oportet. 26. q. 1. Si serui verberibus subiciuntur. Efficiuntur tales irregulares, quando est notorium, in qua irregularitate episcopus potest dispensare. secundum Ber. in c. 2. eod. tit. omnes tales irregulares efficiuntur, si notorium sit. Et si liberi sunt detrudendi. c. contra idolorum. 26. q. 5.

<sup>3</sup> De breuiarijs, quæ portantur, vel orationibus super se, dic quod si in eis sunt bona verba scripta, ut verba sacre scripturæ, vel orationes sanctorum, & quod hoc fiat ex deuotione ad verbum Dei, vel sanctorum, sine aliqua superstitione, reputa, quod non obseruetur, an sit scripta in papyro, vel pergamine, vel ieiuno stomacho, vel non, vel posita à virgine, vel in manu, quod non sint ibi characteres, & verba non intelligibilia, nec aliqua falsa, ut q. Christus habuit febres, vel quod Christus dixit vxori suæ, & huiusmodi, vel apocrypha, est licitū. Secus si fiant cum talibus obseruantijs: quia sic sapiunt su-

perstitionem. Item quando dicitur in illis, quicūque portauerit super se hæc orationem, vel scripturam, vel qui dixerit ter, vel septies, vel huiusmodi, non poterit periclitari morte subita, in aqua, vel igne, & similia, quæ omnia falsa, & reprobanda, nec portanda: peccantque similia scribentes, docentes portari, & portantes, quando super hoc sunt moniti, tunc à peccato non possunt excusari, infra. Superstitione. §. 4. Si autem quis portaret aliquam rem super se, ad aliquem effectum, quem talis res potest naturaliter efficere, non esset malum, ut lapidem aliquem contra malum caducum, vel huiusmodi. Quando autem nullam naturalem virtutem habent ad talem effectum, & non portantur pro reuerentia Dei, vel sanctorum, manifesta est superstitione: ut ex S. Th. secunda secundæ. q. 96. a. 4. elicitur. Ex his quæ diximus, facile quis deprehendere poterit, quando ea, quæ super se portantur, superstitione sint, vel non.

## SPECTACVLVM.

Spectacula facientes, vel fieri mandantes, in quibus impudica, crudelia, & irreligiosa notabiliter sunt admixta, sine dubio mortaliter peccant, & similiter aspicientes talia cum delectatione de huiusmodi: quia delectari de eo quod mortale est, peccatum mortale dicitur. Si verò talia occurrunt alicui, non tamen placent, nec vellent illa fieri, tamen ex quo occurrunt aspiciunt ex curiositate, nisi ex hoc oriatur scandalum, vel periculum, quod animus eius inclinatur ad complacentiam, vel aliquod simile desiderandum, non videtur mortale, sed erit veniale. supr. Curiositas. §. 2. Ludus. §. 11. Bonum tamen est, & securius ab huiusmodi recedere.

## SPONSALIA.

SPONSALIA nominant futuræ nuptiarum promissionem, secundum Tho. 4. sent. 17. qu. 2. a. 1. & in c. 2. contra strates. 30. q. 5. & à spondeo dicuntur sponsalia, nec faciunt matrimonium secundum Tho. ibi. Post autem ma-

trimo-